

bedachtem müt. mit Langer güter vorbetrachtung für / Vns vnd Vnser nachkommen, gelichen, haben. Vnd lihent öch wüssentlich mit kraft dizz briefs: dem Erbern., / knecht; Er h a r t e n V i s c h e r, w e r n l i s V i s c h e r s säligen sun, A n n e n s i n e r e h l i c h e n h ußfrowen, Vnd Jr baider lip, / Erben die si zwai byenander ietz hand, oder noch gewünnent, Vnd kainen jren liperben, anders, vñser güt / dz man nempt die B r a i t¹, gelegen ze B e n d e r n.. Vnd stösset; ze drin siten an die offenen Lantsträss, ze der / Vierden siten an vñlis w a l h e n säligen gut, ze der fünften situn, an vñlis k o c h s hofstatt; die er Von der./ pfründ ze B e n d e r n gelegen hat, mit aller zu gehörd mit steg mit weg, mit wunn mit waid, mit / grund, mit grât, vnd mit allen den rechten nutzen vnd gewonhaiten, waz darzü gehört, vmb ainen / jerlichen iemer ewigen zins die wil dz lehen 'werat, Vmb ain pfunt. pfening Costentzer münzt. Vierzig / Aýger., Vnd vmb Húner², dz sy vnd jr liperben du sy baidù by enander ietz händ, oder noch / gewünnent, als hie vor vnd nāch geschriben stät, Vns Vnd vñser nachkommen, hinnan hin als diser / brief geben ist, iekliches Jares Vff Sant Martiñs tag. Ald aber vierzien, (!) tagen, dar nāch âne / geuerd, da von. ze ainem rechten redlichèn zins richten Vnd geben sond, ân allen fürzug Vnd ân geuerd, / Tåtend sy oder ir baider liperben, die sy baidù ietz by enander hand, öder noch by enander gewünnent / Vnd nit fûro, dehaines Jares Das nit, ald dz sy öder jr liperben, die sy ietz by enander hand oder / noch by enander gewünnent, mit vñserm oder, vñser nachkommen gütem willen dar Vmb nit belibint, / So ist mit namen. vñs vnd vñser nachkommen, dez selben jares dz vorgeschriven vñser güt, genant du / B r a i t¹ Von Jnen Vnd jren liperben, du sy ietz hand oder noch gewünnent, ledig Vnd los Vnd, / zinsfellig worden, Vnd öch der zins gefallen, ân menlichs widerred, Vnd sond Vnd mugent denn / wir Vnd Vnser nachkommen, dz selb güt mit aller zu gehörd, besetzen Vnd entsetzen Vnd dannan, / hin da mit schaffen, werben vnd tûn wz vñs aller best fügt Vnd wol kunt, ân alle sumnusse / Vnd ân geuerd, öch ist sunderlich berett, wår dz du obgeschriben. baidù E r h a r t v i s c h e r, w e r n l i s V i s c h e r s / säligen sun, A n n a s i n elich wip, dehainen liperben hettint oder gewunnint, denn die, die sy ietz / by enander händ, oder noch by enander gewünnent als vorgeschriven ist, die selben jr liperben dehainer / sond, mit namen zu dem lehen, kain recht hân; Vnd wenn